



12 Disember 2014
12 December 2014
P.U. (A) 331

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN PERKHIDMATAN KEWANGAN (FI) 2014

FINANCIAL SERVICES (FEES) REGULATIONS 2014



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PERKHIDMATAN KEWANGAN 2013

PERATURAN-PERATURAN PERKHIDMATAN KEWANGAN (FI) 2014

PADA menjalankan kuasa yang diberikan oleh subseksyen 26(1) dan perenggan 260(2)(c) Akta Perkhidmatan Kewangan 2013 [*Akta 758*], Menteri, atas syor Bank, membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Perkhidmatan Kewangan (Fi) 2014**.

(2) Peraturan-Peraturan ini mula berkuat kuasa pada 15 Disember 2014.

Tafsiran

2. Dalam Peraturan-Peraturan ini—

“broker wang elektronik asing yang diluluskan” ertinya broker wang yang diluluskan—

(a) yang pengawalnya ialah suatu institusi asing; dan

(b) yang menjalankan perniagaan pembrokeran wang melalui sistem padanan harga elektronik;

“cawangan”, berhubung dengan penanggung insurans berlesen, ertinya suatu tempat perniagaan tetap di Malaysia di mana perniagaan penanggung insurans berlesen dijalankan, tetapi tidaklah termasuk agensi insurans;

“cawangan penuh”, berhubung dengan bank berlesen dan bank pelaburan berlesen, ertinya suatu tempat perniagaan tetap di Malaysia di mana—

- (a) perkhidmatan menyetuju terima deposit atas sesuatu akaun dan pengeluaran wang disediakan; atau
- (b) tidak kurang daripada empat perkhidmatan atau perniagaan yang berikut disediakan atau dijalankan:
 - (i) perkhidmatan menyetuju terima deposit atas sesuatu akaun;
 - (ii) perkhidmatan menerima wang bagi pembayaran kemudahan kredit, termasuk bil kad kredit;
 - (iii) perkhidmatan bantuan am, nasihat dan pemasaran kepada pelanggan berkenaan dengan produk dan perkhidmatan yang disediakan;
 - (iv) perniagaan pertukaran wang;
 - (v) perniagaan pengiriman wang dan penyenggaraan akaun pelanggan bagi maksud pengiriman wang;
 - (vi) perkhidmatan membayar wang yang dikirim oleh seseorang di luar Malaysia kepada mana-mana orang di Malaysia; atau
 - (vii) apa-apa perkhidmatan atau perniagaan lain yang diluluskan oleh Bank;

“cawangan penuh berkongsi”, berhubung dengan bank berlesen dan bank pelaburan berlesen, ertinya suatu cawangan penuh yang menyediakan dan menjalankan gabungan perkhidmatan dan perniagaan perbankan dan perkhidmatan dan perniagaan perbankan Islam;

“perniagaan nasihat kewangan Islam” mempunyai erti yang diberikan kepadanya dalam Akta Perkhidmatan Kewangan Islam 2013 [*Akta 759*];

“perniagaan pembrokeran takaful” mempunyai erti yang diberikan kepadanya dalam Akta Perkhidmatan Kewangan Islam 2013.

Fi yang kena dibayar kepada Bank

3. Jenis dan amaun fi yang kena dibayar kepada Bank, dan cara pembayaran fi itu—
- (a) oleh orang berlesen, adalah sebagaimana yang dinyatakan dalam Jadual Pertama;
 - (b) oleh orang yang diluluskan, adalah sebagaimana yang dinyatakan dalam Jadual Kedua;
 - (c) oleh ajuster berdaftar, adalah sebagaimana yang dinyatakan dalam Jadual Ketiga;
 - (d) oleh orang berlesen berkenaan dengan penubuhan mana-mana pejabatnya, adalah sebagaimana yang dinyatakan dalam Jadual Keempat; dan
 - (e) oleh pemohon bagi pemberikuasaan oleh Bank di bawah seksyen 9 Akta dan oleh seseorang yang telah mematuhi kehendak perenggan 17(1)(a) Akta, adalah sebagaimana yang dinyatakan dalam Jadual Kelima.

Pembatalan

4. Perintah Bank dan Institusi-Institusi Kewangan (Fee Lesen) (Institusi-Institusi Berlesen) [*P.U. (A) 188/2004*] dan Perintah Sistem Pembayaran (Fi) 2003 [*P.U. (A) 396/2003*] dibatalkan.

JADUAL PERTAMA

[Perenggan 3(a)]

<i>Bil.</i>	<i>Kategori orang berlesen</i>	<i>Fi tahunan (RM)</i>	<i>Cara pembayaran</i>
1.	Bank berlesen	150,000	Fi tahunan bagi tiga tahun hendaklah dibayar terdahulu dalam satu bayaran pada atau sebelum 15 Disember sebelum bermulanya tahun pertama bagi tempoh tiga tahun itu
2.	Bank pelaburan berlesen	150,000	
3.	Penanggung insurans berlesen	25,000 (per kelas perniagaan)	
4.	Penanggung insurans semula profesional	25,000 (per kelas perniagaan)	

JADUAL KEDUA

[Perenggan 3(b)]

<i>Bil.</i>	<i>Kategori orang yang diluluskan</i>	<i>Fi tahunan (RM)</i>	<i>Cara pembayaran</i>
1.	Broker insurans yang diluluskan	2,000 (fi tahunan tambahan sebanyak RM250 hendaklah dibayar sekiranya broker insurans yang diluluskan juga menjalankan perniagaan pembrokeran takaful)	Fi tahunan hendaklah dibayar terdahulu dalam satu bayaran bagi suatu tempoh yang dinyatakan dalam kelulusan oleh Bank di bawah seksyen 11 Akta dan pembayaran itu hendaklah dibuat dalam masa tujuh hari dari tarikh kelulusan itu oleh Bank atau pembaharuan kelulusan itu
2.	Penasihat kewangan yang diluluskan	500 (fi tahunan tambahan sebanyak RM150 hendaklah dibayar sekiranya penasihat kewangan yang diluluskan juga menjalankan perniagaan nasihat kewangan Islam)	
3.	Broker wang yang diluluskan	5,000	Fi tahunan hendaklah dibayar pada atau sebelum 15 Disember tiap-tiap tahun
4.	Broker wang elektronik asing yang diluluskan	2,000	